

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-19-10566/21  
Sarajevo, 23.07.2021. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga – "Vršenje usluge stručnog nadzora nad izvođenjem radova na projektima komunalne infrastrukture LOT - 1" u Otvorenom postupku, objavljenom u "Službenim glasniku BiH", br. 35/21 i Portalu javne nabavke, broj obavještenja 422-1-2-75-3-40/21 od 07.06.2021. godine, na preporuku Komisije za javne nabavke roba i usluga, Općinski načelnik, donosi

### ODLUKU

1. Poništava se postupak javne nabavke "Vršenje usluge stručnog nadzora nad izvođenjem radova na projektima komunalne infrastrukture LOT - 1", u Otvorenom postupku, objavljenom u Službenom glasniku BiH", br. 35/21 i Portalu javne nabavke, broj obavještenja 422-1-2-75-3-40/21 od 07.06.2021. godine, shodno članu 69. stav 2. tačka d) Zakona o javnim nabavkama.
2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o poništenju postupka.
3. Protiv ove Odluke dozvoljena je žalba u roku od 10 dana od dana prijema iste.

### O b r a z l o ž e n j e

Postupak javne nabavke usluga – "Vršenje usluge stručnog nadzora nad izvođenjem radova na projektima komunalne infrastrukture LOT - 1", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, putem Otvorenog postupka, objavljenog u Službenom glasniku BiH", br. 35/21 i Portalu javne nabavke, broj obavještenja 422-1-2-75-3-40/21 od 07.06.2021. godine.

Uvidom u Izvještaj i preporuku za poništenje postupka javne nabavke, utvrđeno je sljedeće:

- da je Zapisnikom sa otvaranja ponuda od 28.06.2021. godine, konstatovano da su zaprimljene dvije ponude, i to:
  1. HYIDRO CONTROL d.o.o. Sarajevo, sa ponudom od 28.619,99 KM sa PDV – om
  2. Grupa ponuđača FM INŽENJERING d.o.o. Sarajevo i ASI INŽENJERING d.o.o. Sarajevo, sa ponudom od 28.810,81 KM sa PDV- om
- da je Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljene ponude ne ispunjavaju uslove specificirane u tenderskoj dokumentaciji,
- da Ponuda ponuđača HYIDRO CONTROL d.o.o. Sarajevo, ne ispunjava uslove specificirane u tenderskoj dokumentaciji pod tačkom 4.2.1. pod pod (h) Uz spisak izvršenih ugovora ponuđač je dužan dostaviti potvrde koje za predmet ugovora imaju usluge koje su u vezi predmeta nabavke, ukupne vrijednosti zbirno najmanje 29.000,00 KM sa PDV-om, a koje su izdale ugovorne strane – naručioci usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ važi izjava ponuđača o uredno izvršenim ugovorima uz predočenje dokaza o učinjenim pokušajima da se takve potvrde obezbijede.

Potvrda koja je dostavljena u sastavu ponude, izdata od DIVEL d.o.o. Sarajevo, dana 18.08.2020. godine pod brojem DV-DI/200818-POT-241 odnosi se na prvi dio tekućeg ugovora na Projektu „Konsultantske usluge za nadzor nad građenjem – projekat izgradnja autoceste na koridoru Vc, dionica Paprikuše – Zenica Sjever (Donja Gračanica) poddionica Vranduk-Ponirak“, a ne izvršene, odnosno realizovane ugovore kako je to traženo tenderskom dokumentacijom.

da Ponuda Grupe ponuđača FM INŽENJERING d.o.o. Sarajevo i ASI INŽENJERING d.o.o. Sarajevo, ne ispunjava uslove specificirane u tenderskoj dokumentaciji pod tačkom 4.2.1. pod pod (h) Uz spisak izvršenih ugovora ponuđač je dužan dostaviti potvrde koje za predmet ugovora imaju usluge koje su u vezi predmeta nabavke, ukupne vrijednosti zbirno najmanje 29.000,00 KM sa PDV-om, a koje su izdale ugovorne strane – naručioci usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ važi izjava ponuđača o uredno izvršenim ugovorima uz predočenje dokaza o učinjenim pokušajima da se takve potvrde obezbjede.

U sastavu ponude ponuđač je dostavio samo Potvrdu o uspješno pruženim uslugama Poljoprivrednog dobra BUTMIR Sarajevo, br. 01-5-71/21 od 08.04.2021. godine u vrijednosti od 11.700,00 KM.

Obzirom da se radi o otvorenom postupku, objavljenom u „Službenom glasniku BiH“, br. 35/21 i Portalu javne nabavke, broj obavještenja 422-1-2-75-3-40/21 od 07.06.2021. godine, da su dostavljene dvije ponude koje ne ispunjavaju uslove specificirane tenderskom dokumentacijom, na Preporuku Komisije za javne nabavke roba i usluga, shodno članu 69. stav 2. tačka d) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

